

嘉業堂
金石叢書

海東金石苑

第七冊

K8
9

皇朝文獻通考

卷一百一十五

四庫全書

海東金石苑補遺卷五

吳興 劉 承幹 校訂

金純墓誌

高一尺三寸一分廣三尺四寸八分三十九行
行二十四至二十六字不等末空一行正書

卒守大尉金紫光祿大夫同中書門下平章事判
尚書戶部事上將軍上柱國贈謚元平公墓誌

公姓金氏諱純臨津縣人也考追封神虎衛上將軍諱
仁旦皇祖追封神虎衛中郎將惟正皇曾祖追封神虎
衛上將軍有達皇妣宋氏皇追封神虎衛上將軍宋元
之女也公資性醇厚風儀倜儻口正豐五年庚辰三月

判以侍從儲闈至於涉江命駕未嘗暫離終始有功故
初調爲隊正戊子三月判以業精兵陣進其祿年轉攝
校尉己丑三月判除攝拜真庚寅十月判以隨龍侍衛
之功轉攝散貲其年十二月判除攝拜真辛卯十二月
判轉攝別將自攝散貲至攝別將皆以別制加焉甲午
十二月批授攝中郎將領軍乙未十二月批除攝即真
丙申十二月批授攝將軍戊戌十二月批除攝即真辛
丑十二月批授千牛衛攝大將軍壬寅十二月批授金
吾口口將軍癸卯十二月批授兼禮賓卿丙午十二月
批授直門下省丁未十二月批授千牛衛攝上將軍判

衛尉事餘並如故戊申十二月批授金吾衛上將軍殿
中監兼太子右清道率副率己酉十二月批授戶部尙
書龍虎軍上將軍庚戌四月批授兵部尙書主張戎政
其年十二月批復以戶部尙書入樞密院爲副使辛亥
十二月批授工部尙書同知樞密院事壬子十二月批
授吏部尙書知樞密院事甲寅正月別批授銀青光祿
大夫叅知政事禮部尙書甲寅十二月批授金紫光祿
大夫守大尉上柱國餘並如故乙卯十二月批授中書
侍郎平章事餘並如故丙辰十二月批授同中書門下
平章事判戶部事餘並如故自兵部尙書至判戶部事

皆帶上將軍凡公之遷轉一無躡等必循資序然備歷
清華榮兼將相其班品至於守大尉功階至於上柱國
何其盛哉至承安二年丁巳以年幾耳順將上章乞骸
忽遭疾以九月十七日端坐而卒殯于私第公之在殯
不十日今 上始踐祚焉聞而追悼特降明命勅有司
欲以公禮葬之諸子以國家鼎新多事牢辭焉故諸勅
吊誄書不加而但贈謚曰元平公曰不視朝三日以其
年十一月初三日私葬于松林縣大嶺烽山之西麓礼
也銘曰

器宇宏深

風神駿壯

起從將領

蔚爲輔相

身名富貴 終始保全 跌坐而化 兀若夜禪

不以死生 旧我天真 猗歟懿德 刻此貞珉

金純高麗史無傳惟明宗世家載二十年庚戌十二月戊申以金純爲樞密院副使二十一年辛亥十二月甲辰以金純同知樞密院事凡再見而已與誌所載正合純起行間致位宰輔誌叙其仕進甚詳而每次遷拜多在十二月間誌中所載以十二月遷拜者凡十九次亦一異事也

東輔墓誌

高一尺四寸五分廣二尺六寸三十二行行二十餘至三十字不等正書

上大僕卿賜紫金口袋致仕口公墓誌口

口諱東輔洞州人自幼志學早以詩賦捷士名軒人有
桂林志累舉不第口功名之晚幡然改從口口之役初
拜中書省口寶尋口吏部令史俄口口三事散加軍
口口口至壬午春出倅大丘縣政清訟簡襦袴興歌口
口以五年擢祭器都監判官尋轉典廐丞令口兼都兵
馬錄事及辛卯歲變口口梁宮闕煨燼倉口口大金封
冊使節臨境國朝接迎無處所倉黃營葺大觀殿及口
慶宮公以宮闕都監錄事恪恭趨事不日成之以口口
口討功勞不踐口梯直授權知閣門祗候俄出試安西

都護通判不待□滿□徵拜命閣門祇候會西人跋扈
上命將討伐更之東界加發兵馬使□助軍□即辟
公爲□□經略轅門所向□靡行至縵州嬰城自守公
積土成山臨壓其□尅日□之自是諸城壁不庭者率
皆歸順歲在丁酉西賊餘炆嘯聚山藪間鼠竊□梗傍
郡患之 公又以處置兵馬判官□□□身突圍入
賊□□以恩威渠魁□西九等□□□居□木□
監察御史公素有威望及乘騃指顧肅然□□霜威人
多膽落考取轉都官貲外郎奉使北朝□□延譽□□
□□自是□叙兵部郎中□□大府少卿以至才□春

交州□攬轡有澄清之志入拜兵部侍郎揚歷中外俱以稱職聞噫禍起所忽使酒□貴間搆罪誣陷免官置散者數年間然不以策悴介懷恬然自處澹如也及老□□以爲宮寺□使以祿廩自奉從容無忒若將終身至丙辰冬追述軍功擢署大僕卿仍令致仕掛冠知止揮金娛老年踰□□及今年五月稍□□倪四日癸丑脩然端坐□化越六月六日歸葬□西左岱洞山麓禮也公性資嚴毅□厚忠謹衛公不妄交遊孜孜奉國□寶已□□□年讒搆日興雖□鼎老宿鮮有能入□惟公一人頡頏金紫從容祿仕獲終天年門華現

子聳無恙□其威哉□□揆校軍器少監河英之女
生五男二女俱獲立楊豈公積善慶耶僕於公門下
初受吏職辱知況今□□男抵書請銘其□□銘迺爲

之銘
銘曰

□□□□□□□□□□世天貽忠良

巨墓□□金紫頡頏三品簪紳□□□霜

懸車舊里既壽且康生必有終白雲帝鄉

□銘樂石永世流芳

承安五年辛酉六月日正議大夫國子監大司

成翰林學士知制誥金氏述

此誌細如毛髮甚不易讀茲參觀唐風樓碑錄箸錄缺字乃無幾亦可喜也

李瑞林墓誌

高一尺八寸二分廣二尺四寸四分十七行行二十四至二十五字不等正書

墓誌

尙書禮部員外郎完山李君瑞林字庇民前直史館許京再同年友也考彥均檢校大子詹事祖台降檢校大子少保曾祖威檢校軍器少監世濟其美積爲餘慶有二子長曰仁壽外補後今侍從御書季曰景星捨俗出家從師遠學女三人長適金氏次適庾氏皆儒雅聞人

季幻未嫁幸兄無兒宰居爲養君遇疾不康以大金貞
佑癸酉仲冬下旬卒于家越季冬二十四日卜宅松林
縣法雲山而葬之將葬其孤及壻以余備諳終始且爲
直筆之人請述墓文嗚呼其可忍言之耶君自幻齡篤
學依舅氏政堂李公知命而時習之博通經史工於綴
述兼筆法年十七升司馬試不_及年連收科第勢易摘
巍調安邊都護□判官□書記之任厥有聲績升聞補
詹□□錄事二年遷八品官是時晉康候持國□□□
□峰置縣令剗制之初求前有政績者君被□□□邊
而加仁愛大爲晉康知弊入爲中書注□□遷叅秩右

正言知制誥及殿中侍御史官至刑戶禮三部員外郎
其間出爲廣州牧及安北府判官非其好也其大率如
此銘曰 位正郎 年耳順 子承家 且才俊

柳光植墓誌

高二尺三寸三分廣三尺二寸六分
三十五行行三十字末空二行正書

金紫光祿大夫□□□開府儀同三司門□

□□□□□□□下平章□判兵部事致仕贈

謚戴肅公柳

□植公 □□

并序

公諱光植元山人也曾王父諱伸守司空左僕射叅知
□□□□□□□謚忠慎公王□諱德□刑部員外郎

贈尙書□僕射□□材閣門祇候贈尙書右僕射母
曰橫□□大夫人趙氏□門祇候時彥之女 公家□
□□顯族越戊戌□□良醞令同正出補□□郡判
官有政績至甲辰擢爲南□□監□官屬內侍丙午□
以□部□□□金國□百戊申各轉□□□□□□
□□□□□□□定州分道□□□□少府注簿□
□□□□□□□閣門祇候明年□□戊午夏累遷工
部貢外郎歷左□□□□金國□冊使百餘人至國
家以重□□□命公爲都指揮□□□□事無不辦
明□靜州謀亂□□爲□言□監公至喻以□□□□

○轉都官郎中移兵部癸亥秋遷大○少卿是年冬出
爲○○○○恩威兩施當時政○不○考滿乙丑○
又爲大府少卿○○○○是年秋出爲易○○○
○○按廉使○卯冬遷戶部侍郎至己○○○○賓卿
壬申○○○○樞密院左承○知兵部事明年遷
樞密院○○事判札賓○○○○甲戌冬拜銀青
光祿大夫樞密院副使判閣門○乙亥冬出爲西京八
開齋祭使○年授金紫光祿大夫○門下省○○書右
○射判三司事○丁丑春遷守司徒叅知政事判○部
事戊寅春拜中書侍郎平章事○○稱病乞骸骨特加

守太保開府儀同三司門下侍郎同中書門下□□□
判兵部事仍令女□公性沉□有器度潛心于學早中
南省□□赴春□雖不中第以文雅飾吏事所蒞有聲
績及至宰輔托□□□游私第終始無缺何其盛哉
至大金貞祐九年六月乙□感疾至□□甲寅卒于楊
堤里第享年六十有□

上聞言□悼命有司庀喪事贈謚曰戴肅□爲輟朝三
日以是年九月丙午葬于鳳凰山北麓禮也嗚呼公娶
于知樞密院事郭公□宣之第三女後封爲上□郡夫
人生子男□女三長女□樞密院□□尙書右僕射致